

QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis decima-tertia Novembris

M. STEPHANO BACHOT, Doctore Medico, Præfide.

Est-ne Phlebotomia omni ætati omnium magnorum morborum princeps & universale remedium?

HOMO cum nascitur, in vitam tanquam in palestram ingreditur, ubi quamdiu vivit infinitum penè ac diversorum morborum grandine verberatur, ut nihil aliud sit diu vivere, quam diu torqueri. Unde Thraces haud ineptè quondam hominès prodeuntes in lucem lacrymis, abundantè effusissimo gaudio prosequébantur. Noverant enim cordatissimi illi populi vitam aliud nihil esse quam periculosam navigationem, juxta vetus illud hemistichium *πλοῖς σφαλερὸς τὸ βίον*. Undique homini viventi parantur insidiæ, ut quibus vita carere non potest, eadem ipsi perniciem creent, neminem illasum fata transmittunt, & ab ipsis mundi natalibus ad hunc usque diem vix *ἡρώδης ἀποθνήσκων ὀδύναται* reperias: & in eo descendus homo est, quod ei non liceat gratis & impunè vitā excedere: Adde verum illud divini senis effatum: hominem ab ipsis incunabulis ad ultimam usque vitæ lineam totum esse morbum.

EXCLUSUS uteri latebris, & inimicâ luce potitus, sit statim morborum omnium scopus & præda, ut nulla sit illius ætas quæ morbos suos non habeat. Infantis & adhuc Vagientis achoribus Vertex fœdatur, caput hydrocephalo gravatur, dissiunt aures cerumine, aphtis infertur cibus os inflatur, pulmonem tussis fœrina dilacerat, vomitus ventriculum subvertit, alvum cruciant tormina, mentem pavores & vigilie conturbant. Dentes erumpunt: convellitur infans, quibus accedit fetor, & alvi fluor. Grandiorem jam factum pungunt lumbrici in intestinis geniti, calculus vesicæ discruciat, nullo comminuendus *λθυσίτης*, phthis exedit. Nec suis dumtaxat morbis obnoxius vivit, sed & alienis & hæreditariis, vix ullo medicæ artis auxilio debellandis patet, ut sæpè delictorum parentum pœnas immeritus luat, nec minùs morborum quam paternorum bonorum hæres fiat.

VIRILIS ætas patitur morborum omne genus, sed frequentissimè febrem, quæ nulla non corripitur, quæ si in hecticam fortè degeneret, quod sæpè fieri amat aut medentium imperitiâ, aut incautâ victus lege cubantium; In eam nihil licebit, neque futilibus agyrtarum granulis, ac pulveribus, neque auro, si Diis placet, potabili, ad aucupium crumenarum ficto, sed in unâ analepsi præcipua curationis spes est collocanda, sit & sæpè morborum malignorum particeps, in quorum censu venatas illas & pueris valde familiares papulas reponimus, Hippocrati & Galeno medicinæ Principibus ignotas, ex residua sanguinis mensuri portione genitas, quibus præcavendis appensus collo hydrops, aut amillus purpureus brachio circumpositus, meræ sunt nugæ, & anilia deliramenta; quarum curationem si rite velis instituire, venam postmodum feca iterum atque iterum, etiam transiens non benè papulis, quicquid obstrepat imperiti aut assidentes mulierculæ, illud enim verum est & genuinum alexiterium, quod vel lætentibus qui negat, necat.

MAGNIS etiam morbis ultima ætas adfigitur, inter quos nullus est, cui Phlebotomia non sit præcelsissimum remedium, ut ipsi etiam Casnares, & Depontani, acutè si febriant, eam admittant. Æstuat aliquod viscus princeps; pulmo amburitur; validi dolores excruciant; lancinat colicus dolor; dirus crescit hydrops; Tu ne cede malis, sed potius tot morborum ac symptomatum retia & nodos uno Hippocratis enclè rescinde. Hæc ratione tu te etiam ab omni pleuriteide, & ardentissimâ febre expedies, si in illâ sanguinem ad coloris mutationem *ἐχρὸν ἔχει*; in hæc ad animi deliquium aliquando profundas. Hunc vitæ thesaurum esse & naturæ prædium rudis exclamabit hæmophobus, Verum & thesaurum expendisse quandoque haud malam est, dum vitam redimas. Hoc uno si defraudentur ægri præsidio, vel ad necem trahuntur præcipientes, vel si forte naturæ nisu salvantur, in longa tandem ac difficiles ægritudines transeunt, quartanam scilicet, itibio non attingendam, duos lienes, quibus molliendis imposita securis acies, haud securum est, sed insolens plane & crudelis prædium, malum habitum, aquam intercrem, & alia permulta, quibus averrendis una sufficiebat epaphræsis turpiter prætermissa.

INTER affectus qui homines de mediò tollunt, nulli celerius acutis; quorum alii calidi, alii frigidi; utriusque medetur venæ sectio. Apoplexiæ, quæ est *ἡλὸν ἔσθματος τὸ ἔλκυσιν*, & cui magis sunt præpingues obnoxii, quam graciles, nullum est remedium ipsâ phlebotomiâ præsentius atque jucundius; tangit & vim herculeam affectus epileptici, cuius *τὸ ἄνδρα πρὸς* puerilis ætis, ut pubertas *τὸ ἀπαυατῖαι*. Spasmi quoque curationem à missione sanguinis auspiciari medicus debet, priusquam de catarrhî cogitet, quam qui in acutò aut magnò morbo phlebotomiâ præponit, operam ludit, imò lædit, & carnificem agit, non Medicum. Uno verbo, si rectè calculum ponas, nulli fere non morborum generi phlebotomia præsto est. Sed ea est nostrorum temporum infelicitas, ut de principe remedio coram viris Principibus loqui jam piaculum sit, folique medici *ῥαλίστης* legitimam hanc per Phlebotomiam curandi morbos rationem caliceant, non plebei non gregales & proletarii Medici, non Empirici, qui ignavi nimis & ignari in locum *ἢ ἡγανιστὸς* vesicantia, frictions, spiritus, sales volatiles, spiritus tartareos, extracta, quintam, quod vocant, essentiam, ac cæteras hujusmodi remediorum quicquillas magno ægrotantium damno præscribunt.

Est ergo Phlebotomia omni ætati omnium magnorum morborum princeps & universale remedium.

DOMINI DOCTORES DISPUTATURI.

M. Petrus Daquin, Medicus Regis perpetuo ordinarius.

M. Ioannes Cordelle.

M. Petrus Yon.

M. Antonius de Saint-Yon, Medicus Regis ordinarius.

M. Ioannes Robert.

M. Ludovicus Gayant, Medicus Regis ordinarius.

M. Tassius Fontaine, Professor Regius.

M. Franciscus Pajot.

M. Nicolaus Richard.

Proponebat Lutetiæ CLAUDIUS-JOANNES-BAPTISTA DODART, Parisinus Baccalaureus Medicus. A. R. S. H. 1687.